

MATAUPU O LE FAATUATUA

I.O LE ATUA TOLUTASI:

1. Matou te talitonu i le Atua e toatasi, na soifua mai i le vavau o lo o soifua pea e oo i le faavavau. E pule aoao i le lalolagi; ma ua na o ia lava le Atua, e galue ma pule aoao, e paia i ona uiga, o ona suafa ma ona faamoemoega; o ia o le Atua, o le Tolutasi o ia; ua faaalua mai i le Tama, le Alo ma le Agaga Paia.

[Kenese 1; Levitiko 19:2; Teuterenome 6:1-7; Isaia 3:16; 6:1-7; 40:18-31; Mataio 3:16-17; 28:19-20; Ioane 14:6-29; 1 korinito 8:6; 2 korinito 13:14; Kalatia 4:4-6; Efeso 2:13-18]

II.O IESU KERISO:

2. Matou te talitonu ia Iesu Keriso, o le peresona lona lua o le Atua Tolutasi, sa tupu faatasi o ia ma le Tama mai le vavau. Na liutino tagata e ala i le Agaga Paia. Na fanau mai o ia ia Maria le Taupou ina ia soofaatasi ona uiga paia i lona itu Atua ma lona itu

tagata,i le tagata e toatasi,o ia o le Atua, o ia foi o le Tagata,o ia o le Atua-Tagata.

Matou te talitonu na maliu Iesu Keriso mo a tatou agasala ma na toe tu mai lava o ia nai e ua oti i le tino nei faatasi ma mea uma lava e tatau i le faaatoatoaga o le tagata,ua afio a'e o ia i le lagi ma o lo o fautua foi o ia mo i tatou.

[Mataio 1:20-25;16:15-16;Luka 1:26-35 Ioane 1:1-18;Galuega 2:22-36;Roma 8:3,32-34;Kalatia 4:4-5;Filipi 2:5-11; Kolose 1:12-22;1Timoteo 6:14-16;Eperu 1:1-5;7:22-28;9:24-28;1Ioane 1:1-3,4:2-3,15]

III O LE AGAGA PAIA

3.Matou te talitonu i le Agaga Paia o le Peresona lona tolu o le Atua Tolutasi;

Ma o loo auai i totonu o le Ekalesia a Keriso ma o lo o matua galue ai e faailoa i le lalolagi le agasala ma toe faafouina i latou uma ua salamo ma faatuatua ma ia faapaiaina i latou ua faatuatua ma taitai i mea moni uma lava e pei ona i ai ia Iesu Keriso.

[Ioane 7:39;14:15-18,26;16:7-15;Galuega 2:33;15:8-9;Roma 8:1-27;Kalatia 3:1-14;Efeso 3:14-21; 1Tesalonía 4:7-8;2Tesalonía 2:13; 1Peteru 1:2;1Ioane 3:24;4:13]

IV. TUSI PAIA.

4.Matou te talitonu i faaosofiaga atoatoa a le Tusi Paia,ua tatou iloa ai e 66 Tusi o le Feagaiga Tuai ma le Feagaiga Fou na tuuina mai i le manavaga paia,ua faaalua ai ma le tonu le finagalo o le Atua e faatatau ia i tatou i mea uma e tatau i lo tatou faaolataga,o mea uma lava e le o aofia ai i totonu o le Tusi Paia o le a le tatau ona faatagaina e avea o se mataupu o le faatuatua.

[Luka 24:44-47;Ioane 10:35;1Korinito 15:3-4;2Timoteo 3:15-17;1Peteru 1:10 -12;2Peteru 1:20-21]

V.AGASALA TUUFAASOLO MA AGASALA TAU I LE TAGATA LAVA IA.

5.Matou te talitonu na oo mai le agasala i le lalolagi ona o le le usitai o tatou uluai matua,ma ua oo mai ai foi le oti ona o le

agasala. Matou te talitonu foi e lua ituaiga o agasala; o le agasala tuufaasolo po o le o ese mai le olaga atoatoa ma le paia sa i ai ma agasala e patino i le tagata lava ia.

5.1. Matou te talitonu e faapea o agasala tuufaasolo, o le o ese mai lea i le olaga atoatoa ma le paia sa i ai i latou uma o e na tupuga mai ia Atamu o le pogai foi lea o le mamao ese o tagata mai le amiotonu sa i ai i le amataga po o le olaga mama sa i ai o tatou uluai matua i le taimi na faia ai e le Atua, o le o ese lava lea mai le Atua, ua aunoa ai ma se ola faaleagaga ma ua gauai atu i le amio leaga ma o lo o faia pea lava. Matou te talitonu foi o lea agasala tuufaasolo o le a i ai pea lava i le ola fou o e ua fanaufouina seia vagana ua matua faamamaina le loto i le papatisoga a le Agaga Paia.

5.2. Ua matou talitonu e faapea; o le agasala tuufaasolo e ese mai i agasala e faia ma le iloa e le tagata lava ia ona e faavae mai i se loto gauai i le agasala e faia ma le iloa ma e le mafai ona gafa ma se tasi seia vagana ua faatamala i ai pe teena lona fofu na tuuina mai e le Atua.

5.3. Matou te talitonu e faapea o le agasala e faia ma le iloa po o agasala tau i le tagata lava ia, o le solia lea i le lotofuatia ifo o se tulafono a le Atua, e se tagata e ola le magafagafa lelei. O le mea lea e le tatau ai ona fenumiai mea faaletonu, o vaivaiga, o mea sese, o toilaloga, e lei faia i le lotofuatia ifo ma tulaga le maalofia po o isi faiga e o ese mai ai i tulaga atoatoa o amioga tatau, talu ai o aafiaga o le Pau o le uluai tagata. Peitai o ia aafiaga e le o aofia ai manatu po o le tali atu o lo o feteenai ai ma le agaga o Keriso, ma e tatau ona taua ia uiga, o agasala e faia faasaga i le Agaga. Matou te talitonu e faapea o agasala tau i le tagata lava ia e matele lava i le solia o tulafono o le alofa; ma i le fesootaiga ma Keriso e mafai ai ona faamatalaina le agasala o le le talitonu lava lea.

[Agasala tuufaasolo: Kenese 3; 6:5; Iopu 15:14; Salamo 51:5; Jeremia 17:9-10; Mareko 7:21-23; Roma 1:18-25; 5:12-14; 7:1-8:9; 1 Korinito 3:1-4; Kalatia 5:16-25; Iloane 1:7-8. O agasala tau i le tagata lava ia – Mataio 22:36-40; Iloane 8:34-36; 16:8-9; Roma 3:23; 6:15-23; 8:18-24; 14:23; Iloane 1:9-2:4; 3:7-10.]

VI.TOGIOLA.

6.Matou te talitonu e faapea o Iesu Keriso,i ona puapuaga ma le faamaligiina mai o lona lava toto,ma lona maliu i luga o le satauro,na faia ai le togiola mo agasala uma a le tagata,ma o lenei togiola pau lea o le faavae o le faaolataga,ma ua lava lea mo tagata taitoatasi uma e tupuga mai ia Atamu.

O lea togiola ua lava lea mo le faaolataga o tagata ola le magafagafa lelei atoa ma fanau o loo tauleagaina i le agasala,ma ua lava foi lea mo le faaolataga o i latou ua oo i le matua e gafa ai ma lo latou lava ola pe afai e salamo ma faatuatua.

[*Isaia 53:5-6,11;Mareko 10:45;Luka 24:46-48;Ioane 1:29;3:14-17;Galuega 4:10-12;Roma 3:21-26;4:17-25;5:6-21;1 Korinito 6:20; 2Korinito 5:14-21;Kalatia1:3-4;3:13-14;1Peteru1:18-21;1Ioane2:1-2*]

VII.O LE ALOFA TUNOA MUAMUA O LE ATUA

7.Matou te talitonu e faapea o le faia o le tagata i foliga o le Atua na aofia ai ma le malosi e mafai ai ona ia filifili i le lelei po o le leaga,ma o le mea lea na faia ai lava le tagata ia pau lava ia te ia ana lava amioga ma o le pau o Atamu na faaleagaina ai i latou ma ua le mafai ai e lo latou malosi faale tagata, ona toe liliuina mai ma saunia ai i latou i le faatuatua ma valaau atu ai i le Atua.Peitai matou te talitonu foi ,o le alofa tunoa o le Atua e ala ia Iesu Keriso na foaiina fua mai i tagata uma,ina ia mafai ai e i latou uma ona liliu ese mai le agasala,ia ola i le amiotonu,ma talitonu ia Iesu Keriso mo le faamagaloina o agasala ma ia mulimulitai i galuega lelei e fialia i ai le Atua ma e malie i lana silafaga.

Matou te talitonu e faapea o tagata uma lava,e ui ina maua e i latou le fanaufouina ma le faapaiaina atoatoa,e mafai lava ona pau mai i le alofa tunoa,ma seia vagana ua salamo mai ia latou agasala,o le a leiloa atu lava i latou ma o le a lei so latou faamoemoe.

[*Foliga i le Atua ma matafaioi faalemafaufau;Kenese 1:26-27;2:16-17;Teuterenome 28:1-2;30:19;Iosua 24:15;Salamo 8:3-5;Isaia 1:8-*

10; *Ieremia* 31:29-30; *Esekielu* 18:1-4; *Mika* 6:8; *Roma* 1:29-20; 2:1-16; 14:7-12; *Kalatia* 6:7-8.

Natura faaletagata; Iopu 14:4; 15:14; *Salamo* 14:1-4; 51:5; *Ioane* 3:6b; *Roma* 3:10-12; 5:12-14, 20a; 7:14-25.

Alofa foaifua ma galuega a le faatuatua: Esekielu 18:25-26; *Ioane* 1:12-13; 3:6b; *Galuega* 5:31; *Roma* 5:6-8; 6:15-16, 23; 10:6-8; 11:22; 1 *Korinito* 2:9-14; 10:1-12; 2 *Korinito* 5:18-19; *Kalatia* 5:6; *Efeso* 2:8-10; *Filipi* 2:12-13; *Kolose* 1:21-23; 2 *Timoteo* 4:10a; *Tito* 2:11-14; *Eperu* 2:1-3; 3:12-15; 6:4-6; 10:26-31; *Iakopo* 2:18-22; 2 *Peteru* 1:10-11; 2:20-22.]

VIII SALAMO

8. Matou te talitonu e faapea, o le salamo, o se suiga faamaoni lea o le mafaufau e faatatau i le agasala, e aofia ai le taliaina e le tagata lava ia o lana agasala, ma ua loto lava ia e liliu ese mai i le agasala, o se tulaga ua faamalosia mo e o lo o agasala pea i le Atua. E tuuina atu foi e le Agaga o le Atua i e uma ua salamo le loto salamo ma le faamoemoe atu i le alofa tunoa, latou te talitonu ai i le faamagaloina o agasala ma le ola faaleagaga.

[2 *Nofoaiga Tupu* 7:14; *Salamo* 32:5-6; 51:1-17; *Isaia* 55:6-7; *Ieremia* 3:12-14; *Esekielu* 18:30-32; 33:14-16; *Mareko* 1:14-15; *Luka* 3:1-14; 13:1-5; 18:9-14; *Galuega* 2:38; 3:19; 5:31; 17:30-31; 26:16-18; *Roma* 2:4; 2 *Korinito* 7:8-11; 1 *Tesalonia* 1:9; 2 *Peteru* 3:9]

IX. TAUAMIOTONUINA TOEFUATAIINA MA LE AVEA MA TAMAFAI

9. Matou te talitonu o le tauamiotonuina o le galuega alofa lea o le faamasinoga a le Atua, ua tuuina mai ai le faamagaloina atoatoa o le agasala a le tagata atoa ma le faasaolotoina mai i le faasala ona o agasala sa faia, ma talia ai i latou uma o e ua faatuatua ia Iesu Keriso ma ua latou talia o ia e avea ma Alii ma Faaola, ma taua ai i latou o e ua tauamiotonuina.

10. Matou te talitonu i le Toefuataina po o le Fanaufouina, o le galuega alofa lea a le Atua e mafai ai ona fafagu le ola faalemafaufau o le tagata ua salamo, ma tuuina atu i ai le olaga faaleagaga e tulaga ese lava, e mafai ai ona faatuatua, alofa atu ma usitai.

11. Matou te talitonu o le avea ma Tamafai o le galuega alofa lea a le Atua e avea ai i latou ua tauamiotonuina ma ua fanaufouina ma fanau a le Atua.

12. Matou te talitonu o le tauamiotonuina, fanaufouina ma le avea ma Tamafai e maua uma lava i le taimi e tasi e tagata o lo o saili i le Atua, ma e mauaina lava i le faatuatua e tupu mai i le ola salamo ma o lea foi galuega a le alofa tunoa, o lo o molimau i ai le Agaga Paia.

[Luka 18:14; Ioane 1:12-13; 3:3-8; 5:24; Galuega 13:39; Roma 1:17; 3:21-26; 4:5-9, 17-25; 5:1, 16-19; 6:4; 7:6; 8:1, 15-17; 1 Korinito 1:30; 6:11; 2 Korinito 5:17-21; Kalatia 2:16 – 19; 3:1-14; 4:4-7; Efeso 1:6-7; 2:2, 4-5; Filipi 3:3-9; Kolose 2:13; Tito 3:4-7; 1 Peteru 1:23; 1 Ioane 1:19; 3:1-2, 9; 4:7; 5:1, 9-13, 18]

X..FAAPAIAINA ATOATOA

13. Matou te talitonu o le faapaiaina atoatoa o le galuega lea a le Atua e mulimuli mai i le fanaufouina, e faasaolotoina mai ai e ua faatuatua mai le agasala tuufaasolo, ma aumai ai le tagata i se olaga gauai i le Atua ma o le a faatoatoaina ai le usitai paia ma le alofa. E faia lea e ala i le Papatisoga a le Agaga Paia ma iloa ai e le tagata ua faamamaina lona loto mai le agasala ma ua afio le Agaga i lona olaga ua faamalosia ai le ua faatuatua i lona ola atoa ma lana auunaga.

O le faapaiaina atoatoa e maua lea i le toto o Iesu, ma e maua lava i le faatuatua e tupu mai i le tuuina atu atoa o le tagata i le Alii, ma o le galuega a le alofa tunoa o lo o molimau i ai le Agaga Paia.

O leni vaega o le olaga ua iloa lava lea i ni upu o lo o faamatala ai laasaga eseese, e pei o le “olaga kerisiano ua faatoatoaina, o le alofa atoatoa, loto mama, Papatisoga a le Agaga Paia, o le atoaga o faamanuiaga, atoa ma le olaga paia”.

14. Matou te talitonu e i ai se eseese iloga i le va o le loto mama ma le tagata matua. O le loto mama e vave lava ona maua aua o le fua lea o le faapaiaina atoatoa a e o le tagata matua o le fua lea o le tupu a'e i le alofa tunoa.

Matou te talitonu o faaaliga o le faapaiaina atoatoa, e aofia ai le faaosofiaga malosi i le ola tuputupu a'e i le alofa tunoa. Peitai, o lenei faaosofiaga malosi e tatau ona tausia i le mafaufau lelei ma e ao ona vaai totoa i ona manaoga ma laasaga uma o le atinaeina faaleagaga atoa ma le siitia o le tulaga o uiga ma amioga ina ia foliga pea ia Keriso. A aunoa ma sea galuega, o se mea fai fua la tatou molimau ma tatou te le maua ai foi le alofa tunoa.

[Jeremia 31:32-34; Esekielu 36:25-27; Malaki 3:2-3; Mataio 3:11-12; Luka 3:16-17; Ioane 7:37-39; 14:15-23; 17:6-20; Galuega 1:5; 2:1-4; 15:8-9; Roma 6:11-13; 8:1-4; 12:1-2; 2 Korinito 6:14-7:1; Kalatia 2:20; 5:16-25; Efeso 3:14-21; 5:17-18, 25-27; Filipi 3:10-15; Kolose 3:1-17; 1 Tesalonia 5:23-24; Eperu 4:9-11; 10:10-17; 12:1-2; 13:12. 1 Ioane 1:7, 9. {"Atoaga faakerisiano, alofa atoatoa, Teuterenome 30:6; Mataio 5:43-48; 22:37-40; Roma 12:9-21; 13:8-10; 1 Korinito 13; Filipi 3:10-15; Eperu 6:1; 1 Ioane 4:17-18. "Loto mama" Mataio 5:8; Galuega 15:8-9; 1 Peteru 1:22; 1 Ioane 3:3 "Papatisoga a le Agaga Paia" Jeremia 31:31-34; Esekieleu 36:25-27; Malaki 3:2-3; Mataio 3:11-12; Luka 3:16-17; Galuega 1:5; 2:1-4; 15:8-9. "Atoaga o Faamanuiaga" Roma 15:29. "Ola Paia" Mataio 5:1-7; 29; Ioane 15:1-11; Roma 12:1-15; 3; 2 Korinito 7:1; Efeso 4:17-5:20; Filipi 1:9-11; 3:12-15; Kolose 2:20-3:17; 1 Tesalonia 3:13; 4:7-8; 5:23; 2 Timoteo 2:19-22; Eperu 10:19-25; 12:14; 13:20-21; 1 Peteru 1:15-16; 2 Peteru 1:1-11; Iuta 20-21].

XI. O LE EKALLESIA

15. Matou te talitonu i le Ekalesia, o le faapotopotoga o lo o tautinoina atu Iesu Keriso o Ia o le Alii, o tagata o le fegaiga a le Atua na faafouina e Keriso, o le Tino o Keriso na valaauina ma faapotopotoina e le Agaga Paia e ala i le Upu.

Ua valaauina e le Atua le Ekalesia ina ia faaali atu i lona lava ola, le tasi ma le mafutaga faatasi ma le Agaga Paia; e ala i le tapuaiga o le folafolaina atu o le Upu, o le faatinoina o sakalameta, ma galuega o lo o faia i lona suafa, i le usitai ma le gauai ia Keriso ma le tali atu ia te ia i mea uma.

O le galuega a le Ekalesia i le lalolagi o le faaauuina lea o le galuega faaola a Keriso i le mana o le Agaga Paia e ala i le olaga paia, i le galuega o le faatalaleiga, o le galuega faasoo, ma auaunaga eseese.

O le Ekalesia o se itutino moni faatalatuu,na faamaopoopo e ia ia lava i tulaga ma faiga faaleaganuu,ua tulai mai nei i lona tulaga faalenuu atoa ma lona tulaga aoao i le lalolagi;ua ia vavae'eseina tagata ua valaauiina e le Atua mo auunaga faapitoa.Ua valaauiina foi e le Atua le Ekalesia ina ia ola pea i lalo o ana tulafono i le faamoemoe atu lea i le faataunuuiina o le toe afio mai o lo tatou Alii o Iesu Keriso.

[Esoto 19:3;Ieremia 31:33;Mataio 8:11;10:7;16:13-19,24;18:15-20;28:19-20;Ioane17:14-26;20:21-23;Galuega1:7-8;2:32 47;6:12;13:1;14:23;Roma2:28-29;4:16;10:9-15;11:13-32;12:1-8;15:13;1Korinito3:5-9;7:17;11:1,17-33;12:3,12-31;14:26-40;2Korinito5:11-6:1;Kalatia5:6,13-14;6:1-5,15;Efeso 4:1-17;5:25-27;Filipi 2:1-16; 1Tesalonia 4:1-12; 1Timoteo4:13;Eperu 10:19-25;1Peteru1:1-2,13;2:4-12,21;4:1-2,10-11;1Ioane4:17;Iuta 24;Faaaliga5:9-10]

XII PAPATISOGA.

16.Matou te talitonu i le Papatisoga Kerisiano e pei ona poloina mai e lo tatou Alii,o se sakalameta e faaalua ai le taliaina o faamanuiaga o le galuega togiola na faia e Iesu Keriso,e faia mo e ua faatuatua ma o se faaaliga lea o lo latou faatuatua ia Iesu Keriso o lo latou Faaola,e faaailoa ai foi le faamoemoe atoa o le gauai atu i le ola paia ma le amiotonu.

O le avea ai o le Papatisoga o se faailoga o le feagaiga fou,ua mafai ai ona papatisoina tamaiti,i luga o talosaga a matua ma e o lo o tausia faaletulafono tama iti,o i latou ia e ao ona tuuina mai ni tautinoga e mautinoa ai le aoaoina o nei tamaiti i aoaoga kerisiano e tatau ai. E faatinoina le papatisoga i le faatulutulu,o le saaluuiina,ma le faatofu,ia faia faatatau lava e tusa ma le filifiliga a le ua talosaga.

[Mataio 3:1-7;28:16-20;Galuega 2:37-41;8:35-39;10:44-48;16:29-34;19:1-6;Roma 6:3-4;Kalatia 3:26-28;Kolose 2:12;1Peteru 3:18-22]

XII.TALISUAGA ALE ALII. [FAAMANATUGA]

17. Matou te talitonu o le Talisuaga o le Faamanatuga na faavaeina lava e lo tatou Alii ma le Faaola o Iesu Keriso o se sakalameta lava e faasino i le Feagaiga Fou,o lo o faaailoa mai ai lona maliu faaositulaga,ua maua mai ai e le au faatuatua le ola ma le faaolataga ma folafolaga o faamanuiaga faaleagaga mai ia Keriso.O se sauniga e tulagaese ma e silisili foi le taua ia i latou

ua talitonu i ai,ma o lo latou taliaina o lenei sakalameta latou te faaali atu ai le maliu o le Alii seia toe afio mai o ia.Ua na o i latou o e ua faatuatua ia Keriso Iesu ma alolofa atu i le au paia e auai i lenei sauniga.

[Esoto 12:1-14;Mataio 26:26-29;Mareko 14:22-25;Luka 22:17-20;Ioane 6:28-58;1 Korinito 10:14-21;11:23-32]

XIV. FAAMALOLOGA PAIA.

18. Matou te talitonu i le aoaoga a le Tusi Paia e uiga i le Faamalologa paia ma ua matou faamalosi atu i o matou tagata ina ia latou saili atu i le Atua i tatalo o le faatuatua mo le faamalologa o e mamai.Matou te talitonu foi i le faamalologa a le Atua e ala i galuega faafomai.

[2Tupu 5:1-19;Salamo 103:1-5;Mataio 4:23-24;9:18-35;Ioane 4:46-54;Galuega5:12-16;9:32-42;14:8-15;1Korinito12:4-11;2Korinito12:7 10;Iakopo 5:13-16]

XV. AFIO FAALUA MAI O KERISO.

19. Matou te talitonu e toe afio mai le Alii o Iesu Keriso;o tatou foi o loo ola pea i le taimi o lona toe afio mai tatou te le muamua atu i e o loo momoe ia Keriso Iesu;peitai afai tatou te tumau ia te ia,tatou te faatasi foi ma i latou i ao ina ia fetaiiai ma le Alii i le vanimonimo,ona tatou faatasi ai lea ma le Alii.

[Mataio 25:31-46;Ioane 14:1-3;Galuega 1:9-11;Filipi 3:20-21;1Tesalonia 4:13-18;Tito 2:11-14;Eperu 9:26-28; 2Peteru 3:3-15;Faaaliga 1:7-8;22:7-20].

XVI. TOE TU,FAAMASINOGA,IUGA.

20.Matou te talitonu i le toe tu mai i le oti,ma o tino o e amiotonu ma e le amiotonu o le a toe faatutuina mai i le ola ma toe faatasi ma o latou agaga;- "o i latou na faia le amio lelei e toe faatutuina mai i latou i le ola a o i latou sa faia le amio leaga e toe tutu mai i latou i le faasalaga.

21.Matou te talitonu i le faamasinoga i le lumanai e tutu ai tagata uma taitoatasi i luma o le Atua ma faamasinoina e tusa ma mea sa latou faia i lenei olaga.

22.Matou te talitonu i le ola e faavavau ua tuuina mai mo tagata uma o e ua talitonu i ai ma mulimulitai i ai ma le loto gauai ia

Iesu Keriso lo tatou Alii ma o i latou uma ua le maua le salamo e oo atu lava i latou i seoli e faavavau.

[Kenese 18:25;1 Samuelu 2:10;Salamo50:6;Isaia 36:19;Tanielu 12:2-3;Mataio 25:31-46;Mareko 9:43-48;Luka 16:19-31;20:27-38;Ioane 3:16-18;5:25-29;11:21-27;Roma 2:1-16;14:7-22;1Korinito 15:12-58;2Korinito 5:10;2Tesalonia 1:5-10;Faaaliga 20:11-15;22:1-15]